

"أزمة أزلية!!"

قالوا تَخَلَّف ، قالوا غباء !!
قالوا حياة "جَهْل" و "رَجُوعِيَّة" !

قالوا تَشَدُّد ده و تعقيد !
وفتاوى قديمة "سَلَفِيَّة" !!

قالوا ده كبت و عيشة خنيقة !!
ومذاهب جامدة "أُصُولِيَّة" !!

قالوا ده مش "لارج" ولا "كيوت" !
قالوا ده من "فِكْر الوَهَابِيَّة" !

قالوا دي ناس عايزه ترجعنا
لُعُصُور "ما قبل الحَجَرِيَّة" !!

مش عايزنَّا في يوم نتطوَّر !
دول عالم رُخمة و نكديَّة !

منهجهم مش ماشي معنا !
ودماغهم ناشفة و عِنْدِيَّة !

بيقِلِّدوا تابعين وصحابة !
مَسَاكِين وعقولهم مَلْغِيَّة !!

قالوا دي ناس ملهاش شُغلانة !
ماسكين في تَوَافِه سَطْحِيَّة !

قاعدين للسِّتَات وحجاها !
دي مظاهر ، وأمور شَكْلِيَّة !

ولا ليها في الشَّرْع أصول
ده أساسًا عادة بَدَوِيَّة !

قالوا ، وبيقولوا ، وهيقلوا
هتقابلي من دا بِكِمِيَّة !!

قالوا على اللي حَجَّاهُ تمام ،
مش مُمكن دي تكون طبيعِيَّة !!!

دي مريضَة وبتخبي عيوبها !
عندها "روماتيزم" و "صَدَفِيَّة" !!

تلاقى طبعًا مش حلوة !
لو حلوة ؛ ليه متدارِيَّة ؟؟!!

مليانة يا عيني "ديفوهاات" !!
دي أكيد محتاجة عملية !!

أو مُجرِمة خطرة وسوابق !
متنكِّرة فيه ، متخفِيَّة !!

أو واحدة سِكتها شمال !
ع البحري حياتها مقضِيَّة !

أو فاشلة وعايِزة تتدروش !
دي فضيلة الشِيخة المُفْتِيَّة !

أوفى القُطط الفطُسانَة !!
ما هو لازم نلاقيلها قضِيَّة !!!

فين جيل "الميني جيب" يشوفوا ؟!
كان راقى ، ونأسه حَضَارِيَّة !

مش واحدة زي البطريق (:
بحاجبها كده متغطِيَّة !!

هاتي لبسك "كاجول" ع الموضة
رَبِّ قلوب رَّبِّكَ يا بَنِيَّة !

عيشي عُمرِكَ كده زي "مادونا"
خَلِيكِ "فرفوشة" و عَصْرِيَّة !

خَلِيكِ "روشة" ، وَفُكِّهَا
قَضِّهَا مزيكا و صُحُوبِيَّة !

إِلْبَسِي "فزيونات" مع "بديهات"
وَرَيْنَا جَمَالِكَ يا صَبِيَّة !

شَعْرِكَ "كيرلي" أو "بوستيج"
قومي شيلي الطَّرْحَة يا بَهِيَّة !

خَلِينَا بِسْرَعَة نتقدم ..!
ونصنَّ صَوَارِيخ نووِيَّة !!!!

ما حجابك مانع نهضتنا !!
وعاملِنَا أزيمة دَوْلِيَّة !!!!!

مفهومة ومن غير تفكير ،
نواياهم مابقتش خَفِيَّة !

أهدافهم إرضاء شهواتهم !
أغراضهم سافلة ودَنِيَّة !!

تفكيرهم إزاي يغووكي !
ودماغهم كلها إباحية !!

عايزينك قدامهم مُتعة
تظهري على طول متعَرِّية !

عايزينك سِلعة مِتهانة !
تطلعي رَقَّاصة في أَغْنِيَّة !

والكل بينهش بعيونه !
عايزينك لهم تَسْلِيَّة !

و"مُوديل" وكأُنتك "مانيكان"
تعلني عن "شيبسي" و "عَسَلِيَّة" !

عايزينك في إيديهم لعبة !
في الآخر هتكون مرمِيَّة !!!!

قال إيه بيدافعوا وبحُرقة ،
عن ظلم السِّتات يا عِينيا !!

تحرير المرأة وظيفتهم !
من أسروذل العُبودية !!

عُبودية لله الخالق ..
دي شرف للنفس وأمنية ..

بيقولوا عليهم كُتَّاب !!!!
وقمم أدبية و صحفية !!!!

والجهل يا ناس فايج منهم !
معقولة دي نُخبة ثقافية ؟؟؟!!

مين تطلع يمدحوا و يباركوا !
دي بتفهم ، واعية وذكية !!

والي تصون دينها وعقبتها
في عينهم هبله وغيبة !!

تقليدهم أعمى !! مش ممكن !!
يا إخوانا فين العقلية ؟؟؟!!

كوم "هري" و "هبد" إنما إيه !!
سمّعى سلام "للنُّبوغية" !!

دول مهما يألّفوا؛ فكُتُبهم
ع الرّف هتفضل مكفّية ..

ومصير مقالاتهم نسيان !
أكثر ما هي أصلاً منسية !!!

شُّبهاتهم واهية و محفوظة !
مقصوصة أو مش حقيقة !

أسلوبهم تزييف و خداع !
وكلامهم مُنتهي صلاحية !

ماتجادليش أبداً وياهم
نقاشاتهم هتكون مُؤذية !

هيزنوا ويلفوا وراكي ،
من إنس و شياطين جِنَّة !!

ولا يوم راح يهدوا ويرتاحوا !
عدواتهم دائمة و أزلية !

إن هجموا عليكي بوساوسهم
قاومي الأفكار السلبية ..

وابتسمي: هيموتوا بغيظهم !
وبلاش تاخديها بعصبية !

خلِّهم يعملوا ما بدا لهم
دي قلوبهم سودا مصدّية !!

من منع و حظر و تجريح !
وقوليلهم : فين الحرية ؟؟؟!!

اللي إنتوا تملّي فاكريتها !!
دلوقتي الذاكرة ممحّية ؟!!

كفاياكم دوشة و صداع !!
هتبطلوا إمتي ازدواجية ؟؟؟!

بينادوا و بأعلى الصوت

بيطالبوا بثورة "نَسَوِيَّة" !

لا تقوِّلِي دين أو تقاليد !!

ولا خنقة أحكام شرعية !!

ما تواكبوا عصر التَّنوير!

روحوا شوفوا المرأة الغربية !!

مُنفتحة بتعمل علاقات !

مش خاضعة لـ "هَيْمَنَة ذُكُورِيَّة" !!

وبترقص "صلصا" مع "زومي"

وبتلعب ألعاب رياضية !

ولوحدها تسهر بالليل !!

وبترجع قُرب الفَجْرية !

مش قاعدة في البيت محبوسة

تعملكوا "محشي" و "مُلُوخية" !!

وبتلبس "شورت" و "بِكِّيْني"

وانتم بـ "عباية" و "جلابيَّة" !!

عايزين الستات تتنحدر
تتشجع وتكون حَمَقِيَّة !!

تركن أنوثتها ورقّتها
وحياءها على جنب شوّية !

وتشمر ، و تزق وتشخط
وتوري العين الوحشية !!

تثبت للكل إنها تقدر
تستحمل شِدّة و أذِيّة

تعمل "بايسبس" و عضلات
ويقولوا فعلاً دي "قويّة" !

أقوى م "النينجا" و "مازنجر"
"السوبرومان" الأصلية !!

من غير ولا حوجة ولا عوزة
تخرج من بدري الصُبْحِيّة

تتهدل وتشوف الويل !!
مطحونة بصورة يومية !!

معذورة كات فاكرة الدنيا
راح تبقي "بمي" وردِيّة !!

بتضحّي بدينها وحياءها !!
دول هما أكبر تضحية !!

بتضحّي ببيتها وصحتها !!
علشان "حمدية" و "بدريّة" !!

بتراضي شوية "فيمينستا"
والآخرة عنها مَلْهِيّة :)) !!

فرّحتي شيطانك وخسرتي !
يخرب بيت كده "أيدلوجيّة" !!!!

حضرات النُّخبة المزعومة
ما كفاية "أفلام هندية" !!

إيه بس حَشركم في حياتنا ؟؟!
ليه تعملوا "رابطة" و "جمعية" ؟؟!

مش عايزين مجهود سيادتكم !!
مش طالين منكم حَيَّة !

ما تسيبوا ستاتنا في حالها !
ده خبيتكم ناقعة مدوية !!

بصراحة؛ مش ناقصة "جَهابذة" !
وَقَرُوا نصايحكوا الذَّهبيَّة !!

العُري خلاص بقي تجديد ؟؟؟!!
إختشي على سِنِّك يا "وليَّة" !!

لو عندكوا حَبَّة من "الأحمر"
إتلمِّي يا "حاجَّة" إنتي وهِيَّه !

ستاتنا دول هما حياتنا
من غيرهم روحنا مطفيَّة !!

جمایلهم لنا فوق الراس
وكفاية بس التَّربية ..

وبناتنا يا ناس "ضَيَّ العين"
أصداف ولآلئ دُرِّيَّة ..

يحفظهم رب الأرباب
يبعدهم عن كل رَدِيَّة ..

سِتَاتِنَا الْإِسْلَام مَيَزَهَا
بشريعة غالية سَمَاوِيَّة ..

كَرَّمَهَا كـ "طفلة" وكـ "أُم"
و "شريكة" في عِش الرِّوْجِيَّة ..

زَيَّنَهَا مِنْ كُلِّ فَضِيلَةٍ
فِي الشَّرْعِ حَقُوقَهَا مَحْمِيَّة ..

وَحَفَظَهَا بِحُجَايِهَا وَصَانَهَا
مِنْ مَرَضَى وَذُنَابِ بُشْرِيَّة !

مِنْ بَعْدِ زَمَانِ التَّهْمِيشِ
خَلَّاهَا رَكِيزَةٌ أُسَاسِيَّة ..

فَبَلَّاشِ تَهْمُوا وَتَزَايِدُوا !
دَعَاوِيكُوا حَقِيقِي هَزْلِيَّة !!

عَايِزَنَا نُسخة "كربون"
مِ الْغَرْبِ بَدُونِ أَيِّ هَوِيَّة !!

نَضْحُكُ عَلَى الْنَفْسِ وَنُخْدَعُهَا
بِسَعَادَةٍ مُوقَّتَةٍ وَهَمِيَّة !!

عَايِزَنَا نَعِيشُ كَالْأَنْعَامِ !!
نَغْرُقُ فِي حَيَاتِنَا الْمَادِيَّة !!

نشبع شهوات الأجساد
والروح مدفونة مش حَيَّة !!

ونقول للنَّخوة "باي باي " !!
والعرض يكون من غير دِيَّة !!

عايزنَّا نبقى "ذَيَّايث" !!
بِلا غَيْرَة ولا أَي حَمِيَّة !!

عايزنها م الآخر سايبه !!
كل الشَّهوات مِتْلِيَّة !!

ولا فارقة قِيَم ولا أخلاق !!
عايزنها "حضارة جِنْسِيَّة" !!

وبناتنا أوام تبقى "فري" !!
تتنطَّط ويقولوا "شَقِيَّة" !!

دي "كيرفي" ، ودي حِتة "صاروخ" !!
ودي "طلقة" آخر جُمُودية !!!

اتفرج ، قوم مَلِّي عُيُونك !!
لا هتدفع "شيك" ولا نَقْدِيَّة !!

أجساد ببلاش ، كُلّه "مَشَاع" !!
للشَّعب بِحَاله مِلِكِيَّة !!

حضرات النُخبة المزعومة
بتجادلوا في حاجة "بديهيّة" !!

الفِطْرَة دي أساسها "حياء"
لِنسائنا طبيعة و سَجِيّة ..

والبنت دي زي "الألماس"
وجمالها "حقوقه حَصْرِيّة" !

والدين ما بيخنقش حياة !
بالعكس؛ بيوهب حَيَوِيّة !

تعاليمه بتسعد في حياتنا
تدّيهها معنى و جَمالِيّة ..

والسّتر مهوش أبداً عار !!
سَمُوّه "حُرِيّة شخصيّة" ..

لا بيمنع عِلْم ولا صناعة !!
ولا طب و هندسة تَقَنِيّة !!

وبناتنا ونساءنا تيجان ..
فخر لأمتنا العربية ..

مهارات وبراعة وتفوق
وقامات علمية وفكرية ..

بحجابهم رافعين الراس
في مَحافل كُبرى عالميّة ..

عايشين وسطينا وشايفنهم ..
مش يعني "كائنات فضائيّة" !!

حضرات النُّخبة المزعومة
خُدُوا مِنِّي نصايح وِدِّيَّة

إذا طُهر بناتنا مزعلَّكم !!
البحرأهو مليون مِيَّه !!!

وإن كانت العُقَّة بتتعبكم !!
فدواكم هو " فِطْرَة سَوِيَّة " !!

أما لو الشَّرْع مِجَنِّكم !!
اكشفوا أمراض مُستعصية !!!

أو عندي فكرة هتتعجبكم ..
اقعدوا في مَصَحَّة نفسِيَّة ؛)

منكو هنرتاح ، وهنرتاحوا ..
وتقضُّوا نُزْهة خَلَوِيَّة (((

وأخيراً ، يا أميرة يا غالية
دي هديتي ليكي في وَصِيَّة ..

إيَّاكي تتفتني بواحدة
عن دينها عُيُونها "مَعْمِيَّة" !

واقندي بنسائنا الأطهار
أمثال "الخنساء" و "سُمَيَّة"

و "نُسيبة" و "حَفْصَة" و "أَسْمَاء"
و "خديجة" و "عائشة" و "صَفِيَّة"

بحجابك رَبِّكَ ترضيه ،
وتكوني عفيفة و حَيِّة ..

وتحافظي على قلبك طاهر
ومشاعرك تصونها نَقِيَّة ..

وتجاهدي نفسك وهواي
هتلاقي في الآخرة هِدِيَّة ..

وتعاملي الكل بإحسان
وتكوني خُلُوقَة وَتَقِيَّة ..

ومشاكلك تسجدي وتبوح
وتقولي "هَوْنُهَا عَلَيَّا" ..

حَلَّهَا عَلَى رَبِّكَ هُوَ "هَيْنَ" ..
خَلَصَانة يَا بِنْتِي وَمَنْهِيَّة ..

ثِقَّتْكَ بِاللَّهِ قَدْ الْكُون !
وَيَقِينُكَ مَلِيُون فِي الْمِيَّة !

مَوْلَاكِ دَه فَارْجَه قَرِيب ..
خَلِّيْكِ بِشَوْقِ مِسْتَنْيَّة ..

وَاللَّهِ مُجَرَّد مَا تَصَلِّي ..
تَلَاقِيْكِ مَرْتَا حَة وَ مَرْضِيَّة ..

مَعَ رَبِّكَ رَوْحُكَ تَطْمَئِن ،
وَتَعِيشِي سَعِيدَة مَهْدِيَّة ..

فِي الْآخِرَة يَا هَنَّاكِ وَسَعْدُكَ :)
هَتَشَوْفِي الْمُتَعَة الْأَبْدِيَّة ..

كَلِمَات : د/ مصطفى زايد